

**ՄԵՐ ՀԱՅՐԵՐՈՒՆ ԽՐԱՏՆԵՐԸ**

**ԱՍՏՈՒԱԾ ԿԸ ԼՄԷ ՄԵՐ  
ԱՂՕԹՔՆԵՐԸ ԵԹԷ ԻՐ ԿԱՄՔԻՆ  
ՀԱՄԱՁԱՅՆ ԵՆ**

1.- Իրիկունը, առտուն ու կեսօրը պիտի գանգատիմ ու հառաչեմ: Անկա պիտի լսե իմ ձայնս (Սաղմոս 55:17):

2.- Ձիս պիտի փնտռեք եւ գտնեք, ձեր բոլոր սրտով պիտի խնդրեք զիս ու ես ձեզի պիտի երեւիմ, կ'ըստ Տէրը (Եր. 29:13):

3.- Արդարները կ'աղաղակեն եւ Տէրը կը լսե ու իրենց բոլոր նեղութիւններէն կը փրկե զանոնք (Սաղմոս 34:17:)

4.- Համարձակ կերպով կը դիմենք Աստուծոյ այն վստահութեամբ, որ երբ իր կամքին համաձայն բան մը խնդրենք՝ կը լսե մեզ (Ա. Յովհաննու 5:14):

5.- Խնդրեցէք Աստուծմէ եւ պիտի տայ ձեզի, փնտռեցէք եւ պիտի գտնեք, բախեցէք եւ պիտի բացւի ձեզի (Մատթէոս 7:7):

6.- Եթէ այդպէս է, կը նշանակե, թէ անոնք, որ Քրիստոս Յիսուսի միացած են՝ դատապարտութեան ենթակայ չեն, քանի մարմնաւորապէս չեն ապրիր, այլ՝ հոգեւորապէս: Որովհետեւ Հոգիին Օրէնքը զիս Քրիստոս Յիսուսի միացնելով կենդանացուց եւ ազատեց մեղքի եւ մահուան ենթակայութենէն: Արդարեւ, ինչ որ Օրէնքը չի կրնար ընել մարդկային բնութեան տակ ըլլալուն պատճառով, Աստուած իրագործեց՝ աշխարհի ղրկելով իր Որդին...

**ԾԻՍԱԿԱՆ ԳԻՏԵԼԻՔՆԵՐ**

**ԿԱՆԹՂ**



Խորանին վրայ փոքր ճախարակ մը կ'ըլլար եւ հաւասարակշռութիւնը պահող յախճապակիէ գունդ մը, որուն մէջ կապարի փոքր գնդիկներ լեցուած կ'ըլլային, դիրացրնելու համար կանթեղը վար քաշելու, նոր ձեռք լեցնելու, պատրոյզը փոխելու եւ վերստին վեր բարձրացնելու աշխատանքը:

Ներկայիս կանթեղներու գործածութիւնը նուազած է, հիմնականօրէն մէկ կանթեղ կը տեսնենք Ս. Սեղանին վրայ կախուած, որպէս մշտավառ կանթեղ:

Կանթեղներ, հաւատացեալներու պաշտամունքին արժանացած սրբանկարներուն վերեւ, ուր հաւատացեալներ մոմ վառելով իրենց ուխտը կը կատարեն եւ սրտազեղ աղերսանքներով կ'աղօթեն:

â Այսօր ընդհանրացած երեսոյթ է, որ արժաթեայ կանթեղներուն մէջ փոխան ձեթի եւ պատրոյզի՝ ելեկտրական լոյսեր կը վառեն:

ԱԶԳԱՅԻՆ ԱՌԱՋՆՈՐԴԱՐԱՆ ԼԻՔԱՆԱՆԻ

ԲՈՒ ԽՕՍԲԵՐ ԽՄ ՌՅԲԵՐՈՒՄ ԵՐԱԳ Է ՈՒ ԽՄ ԸԱԽԻՆՆԵՐՈՒՄ ԼՈՅՍ (Ս, 119-105)

ԺԶ. ՏԱՐԻ **ԿԻՐԱԿԻ, 15 ՅՈՒՆԻՍԿԱՐ 2023** ԹԻՒ 3

**ԿԻՐԱԿԻ ՕՐԵՐՈՒ ԱՍՏՈՒԱԾԱՇՆԱԿԱՆ ԸՆԹԵՐՑՈՒՄՆԵՐ**  
Եւ 54.1-14: Ա. ՏՄ 1.1-11: ՅԻ 2.1-11

**ԱՒԵՏԱՐԱՆ ԸՍՏ ՅՈՎՀԱՆՆԵՍԻ 2.1-11**

Յիսուսի Գալիլիա հասնելուն երրորդ օրը հարսանիք մը կար Կանա քաղաքին մէջ, եւ Յիսուսի մայրը հոն էր: Յիսուս եւ իր աշակերտներն ալ հրաւիրուած էին հարսանիքին: Երբ գինին պակսեցաւ, Յիսուսի մայրը իրեն ըսաւ. «Գինի չունին»:

«Մա՛յր, մեզի ի՞նչ», - պատասխանեց Յիսուս, - «իմ ժամանակս տակաւին չէ հասած»:

Սակայն իր մայրը ըսաւ սպասաւորներուն. - «Ինչ որ ըսէ ձեզի՝ կատարեցէ՛ք»: Հրեաներու ծիսական մաքրութեան սովորութեան համաձայն, հոն քարէ վեց կարասներ կային, որոնցմէ իւրաքանչիւրը ութսունէն հարիւր լիթր կ'առնէր: Յիսուս ըսաւ սպասաւորներուն. - «Կարասները ջուրով լեցուցէ՛ք»:

Եւ սպասաւորները լեցուցին մինչեւ բերան: Յետոյ ըսաւ անոնց. - «Հիմա առէ՛ք եւ սեղանապետին տարէ՛ք»:

Անոնք ալ տարին: Սեղանապետը համտեսեց գինիի փոխուած ջուրը, բայց չգիտցաւ՝ թէ ուրկէ էր. թէ սպասաւորները, որոնք ջուրը լեցուցած էին՝ գիտէին: Այն ատեն սեղանապետը փեսային ըսաւ. - «Ամէն մարդ նախ ընտիր գինին կը հրամցնէ, իսկ երբ գինովնան՝ այն ատեն հասարակը, մինչ որն ընտիր գինին պահեր եւ մինչեւ հիմա»:

Յիսուս իր այս առաջին հրաշքը կատարեց Գալիլիայի Կանա քաղաքին մէջ: Հոն ան իր փառքը յայտնեց եւ աշակերտները հաւատացին իրեն:

«Սեղանապետը համտեսեց գինիի փոխուած ջուրը, բայց չգիտցաւ թէ ուրկէ էր» (ՅԻ. 2:9): Սեղանապետը իմեց Աստուծոյ Որդիին ձեռքէն ընտիր գինին, «բայց չգիտցաւ թէ ուրկէ էր», չնանչցաւ Յիսուսը իբրեւ տուիչը այդ պարգեւին: Այսօր որքա՞ն մարդիկ կան, որոնք կը վայելեն Աստուծոյ պարգեւները, բարիքներն ու ողորմութիւնները, առանց սակայն անդրադառնալու, որ Աստուած է, որ այդ բոլորը կու տայ իրենց: Այդպիսիներուն համար է, որ Աստուած Ովսէա մարգարէին բերնով կ'ըսէ. «Մայրդ չգիտցաւ թէ ցորենը, գինին ու իւղը ե՛ս էի, որ իրեն կու տայի, իր արծաթն ու ոսկին ե՛ս էի, որ կը շատցնէի» (Ովս. 2:8): Աստուած կը տրտմի, երբ կը վայելենք իր շնորհները առանց շնորհակալ ըլլալու: Ան մանաւանդ կը տրտմի, երբ իր կողմէ մեզի տրուածները կը գործածենք մեր անձնական հաճոյքներուն ու փառքին համար, փոխանակ իր փառքին համար:

**ՃՐԱԳ ԸՄԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻՔԱՆԱՆԻ -**  
**Bourj-Hammoud, P.O.Box 80810 -Tel/Fax:01-258300- facebook-ի էջ Jerak ճրագ թերթ**  
**ՃՐԱԳ-ը կը պատրաստէ՝ Սարգիս Ա. Քինյ. Սարգիսեան**

Ս. ՅՈՎՀԱՆՆՈՒ ԿԱՐԱՊԵՏ



Յովհաննէս Կարապետը՝ Յիսուս Քրիստոսի գալուստը վկայած մարգարէներէն վերջինն է, որ հետագային նաեւ մկրտեց զԱյն՝ այնուհետեւ կոչւելով «Յովհաննէս Մկրտիչ»: Ան մեծ համբաւ ունէր իր ապաշխարհութեամբ, քարոզչութեամբ եւ իրեն հետեւորդներու մկրտութեամբ: Իր հանդէպ յարգանքը այնքան մեծ եղած է, որ իր հետեւորդները հարց կու տային, թէ արդեօք ի՞նքն էր Քրիստոսը:

Հայաստանեայց առաքելական եկեղեցին Յովհաննէս Կարապետի յիշատակը կը նշէ չորս առիթներով, որոնցմէ երկուքն են՝ ծնունդը եւ գլխատումը:

Սրբոյն Յովհաննու Կարապետի ծննդեան տօնը կը զուգադիպի Շաբաթ, 14 Յունուար, 2023-ին: Այս առիթով կը շնորհակարարեմք բոլոր Յովհաննէս եւ Կարապետ անունը կրող մեր եկեղեցւոյ զաւակներուն անուանակոչութեան տօնը մաղթելով բոլորին արեւշատութիւն:

ՀԱՐՅՈՒՄ ՊԱՏԱՍԽԱՆ ԲԱԺԻՆ

Ի՞նչ ՆՇԱՆԱԿՈՒԹԻՒՆ ՈՒՆԻ ՄԱՆՈՒԿՆԵՐՈՒ ՔԱՌԱՄՆՕՐԵԱՅ ԸՆԾԱՅՈՒՄԸ

Ի հետեւումն Հին Կտակարանի, մանուկը ծնելէն ետք, մայրը զինք 40-րդ օրը տաճար կը տանի ծննդեան անմաքրութենէն սրբուելու եւ մանուկը Աստուծոյ ընծայելու համար (տե՛ս Ղեւտ. 12.6-8): Այս օրէնքին սահմանադիրը Աստուած ի՛նքն է՝ Հին Ուխտի Եկեղեցիին մէջ, որ Քրիստոսի վրայ ալ կատարուեցաւ: Այդ պատճառաւ, Նոր Ուխտի Եկեղեցին ալ տնօրինեց այդ մէկը կատարել, ո՛չ միայն անդրանիկներու պարագային, այլ՝ բոլոր նորածիններուն:

Ի՞նչ ՆՇԱՆԱԿՈՒԹԻՒՆ ՈՒՆԻ «ԽԱՂԱՂՈՒԹԻՒՆԱՄԵՆԵՑՈՒՆ»-Ը, ՈՐ ՔԱՀԱՆԱՆ ՊԱՏԱՐԱԳԻ ԸՆԹԱՅԻՆ ՅԱՃԱՍ ԿԸ ԿՐԿՆԷ

Հետեւեալ իմաստը ունի. նախ՝ Քրիստոս իր ծնունդով երկինքի եւ երկրի միջեւ խաղաղութիւն հաստատեց, ինչպէս հրեշտակները երգեցին: Ապա՝ մկրտութենէն ետք աշխարհին արքայութեան Աւետարանը սկսաւ քարոզել եւ Աստուծոյ հետ հաշտութեան ճանապարհը սկսաւ ուսուցանել: Ի վերջոյ, մատնութեան երեկոյին, առաքելներուն աւանդեց ըսելով՝ «Խաղաղութիւն կը թողում ձեզի: Իմ խաղաղութիւնս է որ կու տամ ձեզի» (ՅՀ. 14.27), եւ քահանան Քրիստոսէն առնելով խաղաղութիւնը, ժողովուրդին կու տայ:

Հ ՈՔԵՒ ՈՐ ՊԱՏ ԳԱՍ

Լո՛ւո կեմանք, որպէսզի Աստուած գործէ

Իսրայէլացիները ազատագրուելէ ետք Եգիպտոսի գերութենէն, եկան եւ կանգ առին Կարմիր ծովու ափին: Անոնք պէտք էր անցնէին Կարմիր ծովէն որպէսզի համբայ ելլէին դէպի խոստացեալ Քանանու երկիրը: Տակաւին ծովափն էին, երբ յանկարծ տեսան Եգիպտացիները, որ իրենց կողմը կը սուրային կատաղօրէն: Ժողովուրդը սարսափահար եղած Մովսէսին դիմեց: Մովսէս անոնց ըսաւ. «Տէրը ձեզի համար պիտի պատերազմի: Դուք լո՛ւո կեցե՛ք» (ՄՃ. 14.14): Լուո կեմալ, կը նշանակէ վստահիլ ու ապաւինիլ Աստուծոյ: Սիրելիներ, թող աշխարհ վազէ մեր վրայ, իսկ մեմք ստրկիմք լուսեամբ վստահիլ Աստուծոյ: Վստահի՛մք Աստուծոյ նոյնիսկ, եթէ ամբողջ ծով մը ունիմք մեր դիմաց մեր համբան փակող, ինչպէս էր պարագան Երբայեցիներուն:

ԽՐԱՏ՝ ԲՈՂՈՐ ՔՐԻՍՏՈՆԵԱՆԵՐՈՒՆ. ՅՈՎՀԱՆՆԷՍ ԵՐՋՆԿԱՑԻ ՀԱՒԱՏՔԻ ՄԱՍԻՆ

Հաւատքը մարդուն սիրտին մէջ արմատացած տունկ է, որուն արմատը՝ Հայրն է, արմատին վրայ գտնուող ոստը՝ Որդին է, տունկին եւ ոստին վրայի անթառամ ծաղիկը՝ Ս. Հոգին, իսկ քաղցրահամ պտուղը՝ բոլոր բարի գործերն են, որովհետեւ պտուղը՝ արմատէն, ոստէն եւ ծաղիկէն կը յառաջանայ, ինչպէս բարի գործերը՝ հաւատքէն: Ինչպէս, որ ծառը առանց պտուղի գեղեցիկ չերելիր եւ առանց ծառի պտուղ չըլլար, նոյնպէս հաւատքը առանց գործի վայելուչ չէ, ոչ ալ գործերը՝ առանց ճշմարիտ եւ ուղիղ հաւատքի:

ԵԹԷ ԿԱՍ, ԵՐԲ Կ՛ՈՒԶԵՍ...

Որքան կարելի է ձեզի, ամէն մարդոց հետ խաղաղութիւն ունեցե՛ք: (Յոովմ. 12.18):

Մարդ մը, որ հարցեր կ'ունենար իր դրացիին հետ, ջանաց խաղաղութեամբ լուծել գանձնէ: Համոզուելով, որ կարելի պիտի ըլլար սիրով վերջ տալ ծագած դժուարութեանց, ան դիմեց օրէնքին: Բացատրելու համար իր տեսակետը, ան ըսաւ. «Լուրջ ջանք ըրի գործադրելու առաջապիսն պատուէրը՝ խաղաղութիւն ունենալու մարդոց հետ, բայց անօգուտ: Շնորհակալ եմ Աստուծոյս անոր համար, որ ան չէ ըսած, թէ խաղաղութեամբ պէտք է ապրիլ բոլոր մարդոց հետ կեանքի բոլոր պարագաներուն տակ: Աստուած այդպէս չ'ըսեր որովհետեւ գիտէ, թէ կարգ մը մարդոց հետ խաղաղութեամբ ապրիլ կարելի չէ»:

Դժբախտաբար շատեր իրենց կարելի ի գործ չեն դնել՝ խաղաղութեամբ ապրելու համար: Տղայ մը հարցուց իր հօրը, թէ ինչպէ՞ս կը սկսին պատերազմները եւ հայրը այսպէս պատասխանեց. «Առաջին աշխարհամարտը սկսաւ երբ Գերմանիա գրաւեց Պելմիֆան»: Ճիշդ այդ պահուն մայրը միջամտեց եւ ըսաւ. «Հանիս նշմարութիւնը յայտնէ: Պատերազմը սկսաւ մարդու մը սպանութեան պատճառով»: Ամուսինը բարկացաւ եւ պոռաց. «Ո՞վ կը պատասխանէ տղուն հարցումին. դո՞ւն թէ ես»: Կիցն ալ բարկացաւ եւ դուռը ուժգին զարնելով դուրս ելաւ: Տղան ըսաւ. «Հայր, հիմա գիտեմ, թէ պատերազմները ինչպէ՞ս կը սկսին»:

Արդեօք դուն բարկութեամբ կը հակադրես, թէ մշակած ես խաղաղութեամբ ապրելու սովորութիւնը: Յիսուս աղօթեց իր թշնամիներուն համար: Դուն ալ կ'աղօթե՞ս: Փորձե՛մք խաղաղութեամբ ապրիլ բոլորին հետ: